

Primljeno: 05-03-2019			
Broj: 611			

**KOMISIJA ZA PRIPREMANJE PRIJEDLOGA ZA IZBOR
AKADEMSKOG OSOBLJA U ZVANJE ASISTENT NA OBLASTI
MIKROEKONOMIKA POLJOPRIVREDE I PREHRAMBENE INDUSTRIJE**

Sarajevo, 05.03.2019. godine

Broj:

**NASTAVNO-NAUČNOM VIJEĆU
POLJOPRIVREDNO-PREHRAMBENOG FAKULTETA
UNIVERZITETA U SARAJEVU**

PREDMET: Izvještaj komisije za pripremanje prijedloga za izbor akademskog osoblja u naučno-nastavno zvanje asistent na oblasti *Mikroekonomika poljoprivrede i prehrambene industrije*.

Na osnovu člana 96. Zakona o Visokom obrazovanju („Službene novine kantona Sarajevo“, br 13/17) i statuta Univerziteta u Sarajevu, Nastavno naučno vijeće Poljoprivredno-prehrambenog fakulteta u Sarajevu je donijelo Odluku br. 01-1-599/19 od 04.03.2019. godine o formiranju Komisije za pripremanje Prijedloga za izbor akademskog osoblja u naučno-nastavno zvanje asistent na oblasti Mikroekonomika poljoprivrede i prehrambene industrije – jedan izvršilac sa punim radnim vremenom, u sastavu:

1. Prof. dr. Aleksandra Nikolić, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, predsjednik,
2. Prof. dr. Sabahudin Bajramović, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, član
3. Prof. dr. Dragana Ognjenović, doktor poljoprivrednih nauka, vanredni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, član

Nakon uvida u dostavljenu dokumentaciju od strane Sekretarijata Fakulteta, navedena komisija podnosi Nastavno-naučnom vijeću Poljoprivredno-prehrambenog fakulteta u Sarajevu slijedeći

IZVJEŠTAJ

Na raspisani Konkurs Univerziteta u Sarajevu („program 150+“), koji je objavljen 04.02.2019. godine, na web stranici Fakulteta i Univerziteta u Sarajevu, pristigle su tri prijave, od kojih dvije blagovremene, a jedna neblagovremena. Prijava kandidatkinje Nedžle Maktouf – Kahriman nije pristigla u konkursom predviđenom roku, te kao neblagovremena nije uzeta u postupak daljnjeg razmatranja. U konkursom predviđenom prijave su dostavili kandidati:

1. Kandidat **Alen Mujčinović**, rođen u Zenici 06.9.1989. godine.

Uz Prijavu na Konkurs, sa spiskom dostavljene dokumentacije, dostavio je slijedeće dokumente i dokaze: Biografiju u elektronskoj i printanoj formi, Izvod iz matične knjige rođenih, Uvjerenje o

državljanstvu, Diplome o završenom I i II ciklusu studija na Poljoprivredno-prehrambenom fakultetu Univerziteta u Sarajevu, sa dodacima diploma iz kojih se vidi da je I ciklus studija završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Bakalaureat poljoprivrede sa prosječnom ocjenom **8,35**. Drugi ciklus studija je također završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Magistar poljoprivrede sa prosječnom ocjenom **9,59**. Kandidat je dostavio i priznanje „Zlatna značka“ Univerziteta u Sarajevu kao i Uvjerenje da se nalazi na evidenciju nezaposlenih Službe za zapošljavanje Kantona Sarajevo.

U ostaloj priloženoj dokumentaciji nalaze se: Potvrdu o statusu studenta III ciklusa doktorskog studija Poljoprivredne nauke kao i Odluku o odbrani projekta doktorske disertacije na Poljoprivredno-prehrambenom fakultetu Univerziteta u Sarajevu, Potvrdu o obavljenoj studijskoj razmjeni/specijalizaciji na Univerzitetu u Hohenheimu, Štuttgart, Njemačka (april, 2016. – april, 2017. godine) kao i ocjene ostvarene u navedenom periodu, Potvrdu o učešću na Internacionalnoj ljetnoj školi "Pčelarstvo: Sačuvajmo našu budućnost", Potvrde o učešću na stručnim nacionalnim (4) i internacionalnim treninzima (9), Potvrde o ostvarenim nagradama i priznanjima (4), Preporuke (3), Potvrdu o učešću na internacionalnom projektu Western Balkan Urban Agriculture (BUGI), Erasmus+ Programme - Strategic Partnership Project Nr: 586304-EPP-1-2017-BA-EPPKA2-CBHE-JP, Dokaz o poznavanju engleskog jezika i dokaz o poznavanju rada na računaru, Certifikate o učešću na konferencijama (8), Dokaz o naučno-istraživačkom radu (separate 12 radova).

2. Kandidat Alić Elvedin, rođen u Prištini 02.01.1989. godine.

Uz Prijavu na Konkurs, sa spiskom dostavljene dokumentacije, kandidat je dostavio slijedeće dokumente i dokaze: Biografiju u printanoj formi, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu Univerziteta u Sarajevu, sa dodacima diploma iz kojih se vidi da je I ciklus studija završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Bakalaureat poljoprivrede sa prosječnom ocjenom **8,37**. Drugi ciklus studija je završio na odsjeku Biljna proizvodnja, smjer Fitomedicina, te stekao zvanje Magistar poljoprivrede sa prosječnom ocjenom **8,86**.

U ostaloj priloženoj dokumentaciji kandidat je dostavio: certifikat o poznavanju rada na računaru, diplom o poznavanju engleskog i njemačkog jezika, certifikat o osvajanju trećeg mjesta na konferenciji za poljoprivredu i veterinarstvo u Novom Sadu, bibliografsku listu sa navedena dva rada.

Kandidat nije dostavio:

- Uvjerenje da se nalazi na evidenciji nezaposlenih Službe za zapošljavanje Kantona Sarajevo

Pored Općih zakonskih uvjeta i uvjeta predviđenih članom Zakona o visokom obrazovanju Kantona Sarajevo, Statuta Univerziteta u Sarajevu, općim aktima organizacionih jedinica Univerziteta u Sarajevu, jedan od uvjeta Konkursa je bio da se Kandidat nalazi na evidenciji nezaposlenih Službe za zapošljavanje Kantona Sarajevo, te je Komisija ovu prijavu okvalifikovala nepotpunom i nije je uzela u razmatranje.

Mišljenje i prijedlog


Na osnovu uvida u priloženu dokumentaciju kandidata, Komisija predlaže da se u zvanje asistenta na oblasti mikroekonomika poljoprivrede i prehrambene industrije izabere kandidat **Alen Mujčinović**. Prijedlog se potkrepljuje sljedećim činjenicama:

1. Pored općih zakonskih uvjeta, kandidat ispunjava uvjete utvrđene članom 96. Zakona o visokom obrazovanju KS za izbor u naučno-nastavno zvanje asistenta. Završio je odgovarajući I i II ciklus studija na Poljoprivredno-prehrambenom fakultetu sa prosječnim ocjenama **8,35** odnosno **9,59**. Kandidat je dobitnik priznanja Zlatna značka za drugi ciklus studija.
2. Kandidat se nalazi na evidenciji nezaposlenih Službe za zapošljavanje Kantona Sarajevo.
3. Kao dokaz o iskazanim naučno istraživačkim sposobnostima priložio je separate 12 autorskih i koautorskih radova, certifikate o sudjelovanjima na naučnim konferencijama (8), te potvrdu o učešću na internacionalnom projektu.
4. Student je III ciklusa na Poljoprivredno-prehrambenom fakultetu Univerziteta u Sarajevu, te je uspješno odbranio prijedlog projekta doktorske disertacije.
5. Kandidat je učesnik jednogodišnje studijske razmjene na Univerzitetu u Hohenheimu, Njemačka, (april, 2016. – april, 2017. godine).
6. Dobitnik je brojnih priznanja (npr. Najbolji esej na temu „Reforma poljoprivrede u BiH“), te učesnik brojnih stručnih nacionalnih (4) i internacionalnih treninga (9).

Uvažavajući navedeno, Komisija predlaže Nastavno-naučnom vijeću Poljoprivredno-prehrambenog fakulteta u Sarajevu da Alena Mujčinović, magistra poljoprivrede, izabere u zvanje asistenta na oblasti *mikroekonomika poljoprivrede i prehrambene industrije* jer ispunjava sve uvjete Zakona o visokom obrazovanju, te pravila Univerziteta u Sarajevu i Pravila Poljoprivredno-prehrambenog fakulteta.

Članovi komisije:

Prof. dr. Aleksandra Nikolić



Prof. dr. Sabahudin Bajramović



Prof. dr. Ognjenović Dragana

